



CH-7144 Vella, 31 da december 2020

Novitads dalla suprastanza communal Lumnezia

La suprastanza communal Lumnezia ha approbau las suandontas fatschentas

Revisiun dalla Lescha da taglia communal per la vischnaunca Lumnezia

Per consequenza dalla revisiun dalla lescha da taglia dil cantun Grischun ei la Lescha da taglia communal per la vischnaunca Lumnezia medemamein vegnida revidida.

A caschun dalla votaziun all'urna dils 29 da november 2020 ha la populaziun approbau cun 388 encunter 79 vuschs la revisiun parziala dalla Lescha da taglia communal per la vischnaunca Lumnezia.

Surdadas incaricas da lavur

1. Sanaziun terren contaminau e disfatga dils mirs da betun stan da sittar Vrin
 - Lavurs d'impessari e transports alla cuminonza da lavur Collenberg SA / C. Casaulta, 7148 Lumbrein
2. Sanaziun terren contaminau e disfatga dils mirs da betun stan da sittar Suraua
 - Lavurs d'impessari e transports a Corsin Casaulta, 7151 Schluein
3. Sistem da separaziun canalisaziun da meteor a Rumein, Degen, etappa 2020
 - Lavurs d'impessari alla fatschenta Collenberg SA, 7148 Lumbrei
4. Bike Cross Country, trail dad ir cun velo
 - Lavurs da baghegiar il trail alla fatschenta Trailworks, 8755 Ennenda
5. Midada dallas localitads dall'anteriura casa communal a Cumbel en locals per uniuns
 - Lavurs da planisaziun, execuziun e survegionza al biro De Giorgi Huonder, 7130 Glion
6. Tagl da lenna egl uaul Sur Prada a Surcasti alla fatschenta Solèr Holz AG, 7114 Uors
7. Tagl da lenna egl uaul Val Bercli a Surin a Leo Alig, 7149 Vrin

Restabiliment scala da pèschs dil Glogn da Peiden

Il cantun Grischun ha l'intenziun da restabilir la scala da pèschs el Glogn da Peiden. La vischnaunca ha dau il consentiment per quei project. Ils cuosts vegnan surpri dil cantun, senza participaziun dalla vischnaunca.

Sustegns finanziaals

- Casa editura Sordino Ediziuns GmbH per la digitalisaziun dall'ovra "Atun" da Gion Giusep Derungs da Surcasti

Rendaquens finals

La suprastanza communal ha approbau ils rendaquens finals per il suandonts projects

- Avertura quartier Lorta, Surcasti
- Sanaziun dalla via Sutvitg (davos scola), Vella
- Sanaziun dalla serenera Cumbel/Morissen

Conclus dalla radunonza communal Lumnezia dils 02 d'october 2020

Dalla radunonza communal Lumnezia dils 02 d'october 2020 han las votantas ed ils votants priu ils suandonts conclus:

- Approbau il quen ed il rapport annual 2019 per la vischnaunca Lumnezia e dau scarica alla suprastanza communal
- Concediu il dretg da baghegiar el quartier Bual, Vella a Michèle e Roland Solèr da Glion
- Approbau il project e concediu il credit per la midada dallas localitads dall'anteriura casa communal a Cumbel en localitads per uniuns
- Approbau ils rendaquens finals per

- La casa da fatschenta Palius, Vella
- La sanaziuns dallas plazzas da tennis Pellas, Vella
- La cumpra dil transporter communal (Reform Muli T10X)
- Approbau la naturalisaziun da Marlies Hildegard Montalta da Degen

Conclus dalla radunonza communal Lumnezia dils 18 da december 2020

Dalla radunonza communal Lumnezia dils 18 da december 2020 han las votantas ed ils votants priu ils suandonts conclus:

- Concediu il dretg da baghegiar el quartier Bual, Vella a Ladina e Thomas Schmid da Vella
- Approbau il project e concediu il credit per baghegiar ora localitads da biro en casa da fatschenta Palius, Vella
- Approbau ils rendaquens finals per
 - Sanaziun via cantunala e passapei tras Vella
 - Baghetg da pumpiers Vattiz, Degen
 - Serenera Cumbel/Morissen

Termins radunonzas communalas Lumnezia 2021

12 da mars 2021

18 da zercladur 2021

01 d'october 2021

17 da december 2021